

0 10 20 30 40 50 60 70 80 90 100 110 120 130 140 150 160 1

Inches  
Centimetres

信571-29  
743

杜東原先生年表

4752  
3104

53523

(馬) (五) (松) (書) (意) (記)

*[Faint bleed-through text from the reverse side of the paper, including characters like '竹', '松', '山', '水', '意']*

Kodak Color Control Patches

Green

Yellow

Red

Magenta

White

3/Co

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30



每以屋宇舟楫點綴頗得春水渡旁渡夕陽山外山意  
致別紙題行書十三行以吳越所見書畫錄中載黃子  
久卷對勘惟右黃子久所畫深山曲隴卷改作右畫一  
卷竹木林壑縈紆宛若山陰然改作竹木溪釣林蹊縈  
紆映帶若桃源然及泰定二年九月六日龔璠子敬甫  
書改作弘治紀元八月望日長洲沈周書於雙娥峰之  
僧寓而已乃知石翁此幀是臨大癡故跋亦錄子敬語  
子敬高郵人宋司農卿漢之子璠與弟理刻意問學人  
以比楚兩龔歷和靖學道書院山長官至浙江儒學提  
舉致仕見靜春堂詩集吳訥跋金淵集有懷龔子敬子

國 1 冊 卷 19549

杜東原先生年譜



中云兩龔昔所慕二難今是似是也後有衡山七律十  
二行書法山谷蓋放翁體爲之有查二瞻張觀宸諸印  
又嘗見一設色卷長減尺許題識相同第中間略增損  
數字爲異又云清畫晏坐拈筆作此適飽菴相公見訪  
咄咄稱賞輒以相贈敢道寶劍與烈士耶弘治庚戌秋  
日周再題庚戌爲孝宗三年乃翁六十五歲作後於此  
卷二年古人作山水不憚一再臨摹所以名家惜當時  
交臂失之今不知歸誰何矣思之惘然

沈石田東原圖卷  
姑蘇名賢小紀於淵孝先生杜東原云家有小圃植竹

蒔雜花築瞻綠亭居其間故圖寫茂林深竹之中茆亭  
一笠淵孝巾服危坐旁置書冊垂髻童子奉槃迺至  
亭亭外青山當門綠水環階一翁鬚髯飄然扶杖過板  
橋而來若相訪者款署門人沈周補東原圖前有魏考  
叔行書草堂餘韻四字後附石田所譏東原年譜祭文  
及詩詩係杜東原先生入鄉賢祠亦見黃淮集義堂本  
石田集所謂節孝公然當祀典千年香火見斯人莫由  
貴子能爲地卻信窮儒自致身也因考淵孝以東原自  
號据年譜在正統元年丙辰遷居樂圃里之後飽翁家  
藏集杜東原墓表云先生得宋朱長文樂圃而家其旁



自號東原吳人因稱東原先生又震澤先生集東原詩  
集序云樂圃里在吳城西其東有原焉故世稱東原先  
生而年譜亦遂以東原稱豐順丁禹生中丞歸田後編  
持靜齋書目有舊鈔本杜東原年譜一卷事關鄉邦文  
獻深惜中丞撫吳時竟未借勘不知即從是卷傳寫否  
也因並錄年譜如左



杜東原先生年譜

門人長洲沈周編次

洪惟我

太祖高皇帝登極于金陵

國號大明建元洪武元年

戊申

二十九年丙子十二月初五日先生生于城中之太

平坊

三十年丁丑正月 日先生之父草堂府君以閭右

實

京師卒于大中橋之邸第

三十五年壬午

即建文君四年

三月先生母顧夫人遣

從鄉師習句讀天分高敏過目不忘

永樂元年癸未

五年丁亥從中書舍人劉孟切學遂能通孝經論孟



大義

七年己丑受經於五經博士陳嗣初之門

九年辛卯嗣初應

召出仕擇門人中克任師表者迺命先生授徒

十一年癸巳娶新城縣典史長洲陸氏女

十三年乙未子嗣昌生

十四年丙申冬十一月祖母王氏夫人卒葬吳縣橫

山山一名五塢先生因號五塢山人

十七年己亥往

南京得草堂府君所遺書籍玩器歸

十八年庚子以讀講

大誥率生徒

朝于北京

十九年辛丑春二月妻陸氏卒

二十年壬寅冬十月繼娶長洲張維新女

二十一年癸卯所爲詩文始留稿署曰學言

洪熙元年乙己修

太宗文皇帝實錄遣使採訪事蹟本府延舉先生修纂

宣德元年丙午

九年甲寅郡守况公鍾欲舉先生異才應



詔固辭而止

十年乙卯修

宣宗章皇帝實錄本府延先生為七縣總裁

正統元年丙辰始遷居樂圃里作如意堂

庭有二至花生焉夏至而開冬至而謝葉青青

四時不變顧節婦言茲花夏至而開者順陰道

也冬至而謝避陽道也葉青青四時不變者有

貞節也殆如吾意焉於是作堂以名武功伯徐

有貞為記

二年丁巳孫韋生始開東原號東原耕者

朝廷求賢

詔復下郡縣首以先生為舉復固辭之迺以母夫人顧

氏之節為言吳寬表所謂卒用旌其母之節而不敢

強仕是也

四年己未有司

上母夫人顧氏貞節

詔旌表門閭復其家

六年辛酉是歲造版係定籍色有司定著杜氏為儒

籍吳邑先惟余貞木氏陳嗣初氏及今乃三姓云

九年甲子秋八月嗣昌卒



九月繼室張氏卒

十二年丁卯春二月繼娶常熟王氏女

十三年戊辰與諸儒結文社

徐用理 陸康民 王敏道 陳孟賢

王孟南 鄭德輝 賀美之 與先生凡八人

景泰元年庚午作延綠亭號延綠亭主人以鹿皮作

冠又號鹿冠道人

二年辛未秋八月節婦顧夫人卒九月葬橫山

三年壬申正月子啟生

五年甲戌

朝廷修輿地志郡守汪公游具書請先生修輯郡中事

以進

天順元年丁丑秋七月往遊武林

三年己卯冬十月朔郡守楊公貢請鄉飲

四年庚辰曾孫曾生

成化元年乙酉

三年丙戌鄉飲三賓

七年辛卯孫愈生曾孫閔生

八年壬辰冬十月郡守丘公壽具書詣門請鄉飲固

辭之丘公書曰



朝廷設鄉飲之典而有司任遴選之責惟在得人以示  
勸化郡中躬行碩德學博望重如  
老先生者而不與焉是

朝廷之典虛而有司之責無以塞矣

先生辭曰

特書

躬降 榮寵至矣老朽何能敢不赴

命但以年來衰疾屢作頓嗽彌日豈能一刻以處  
於禮法之所哉

十年甲午丘公霽修蘇郡志請先生參校優劣不紀

述秋八月啟應天府鄉試中式孫愨生九月先生  
病作十月戊申卒于正寢 享年七十有九

十一年乙未四月乙酉奉葬橫山祖墓凡三吳之耆  
宿門生緇黃名流會葬者數千人門生趙同魯婁  
序等會謚淵孝先生陳頌史鑑為之誄

二十年翰林學士吳寬表其墓道 辭曰先生今世  
之隱君子也

弘治元年戊申

七年以啟貴

璽書贈文林郎直隸大名府開州長垣縣知縣  
玉音有鄉邦舊學泉石高踪之褒



十一年戊午三學生員費紘等會呈設主府學鄉賢

祠祭享

沈石田虎邱圖卷

一年一度游山寺不上靈巖卽虎邱青邱子句也觀石翁此卷如坐六柱船牕繫纜寺前徧歷短簿祠貞孃墓生公講臺吳王劍池乘興直至塔下但見四山暈赭萬樹滃青屋翼搏風參差夕陽影裏蓋雨後新晴景別紙錄紀游詩都百四十七行珊瑚網載王弇州所藏有匏菴跋弇州山人續稿亦云讀先生手書詩與匏菴歌似游靈巖皆以雨敗興而次日得虎邱足之者今石翁詩



十一年戊午三學生員費紘等會呈設主府學鄉賢

祠祭享

沈石田虎邱圖卷

一年一度游山寺不上靈巖即虎邱青邱子句也觀石  
翁此卷如坐六柱船聽繫纜寺前橋歷短簿祠貞孃墓  
生公講臺吳王劍池飛興直至塔下但見四山暈結萬  
樹滄青風觀搏風參差夕陽影裏蕭蕭幾新晴景別紙  
錄紀游詩部百四十七行珊瑚網載王維州所藏有范  
范城舟州山人續稿亦云讀先生手書詩與范菴歌似  
海靈巖皆以雨敗興而次日得虎邱是之否今石翁詩